

Sþ.

196. Tillaga til þingsályktunar

um ríkisábyrgð á láni til vatnsveitu Stykkishólms.

Flm.: Gunnar Thoroddsen.

Alþingi ályktar að heimila ríkisstjórninni að ábyrgjast 500 þús. kr. lán, er Stykkishólmshreppur tekur til vatnsveituframkvæmda.

Greinargerð.

Eitt mesta vandamál Stykkishólmshrepps er vatnsveitumálið. Neyzluvatn þar fæst aðeins úr brunnum og er mjög gallað. Auk þess er vatnsskortur mikill í kauptúrinu, einkum að sumarlagi. Var gerð grein fyrir þessu máli og rannsóknum á vatninu í greinargerð fyrir þingsályktunartillögu um vatnsveitur, er við hv. þm. Vestm. fluttmum á síðasta þingi og náði samþykki. (Sjá Alpt. 1944, A. bls. 1237—1240.)

Við meðferð fjárlaga á síðasta þingi flutti ég 2 tillögur um stuðning við vatnsveitu Stykkishólms, aðra um styrk, hina um ríkisábyrgð. Hvorug tillagan hlaut samþykki. Málinu var samt haldið vakandi, og leituðu hreppsnefnd og þingmaður kjördæmisins nú aðstoðar Nýbyggingarráðs. Brást ráðið fljótt og vel við, taldi, að hér væri um slikt nauðsynjamál að ræða, að rétt væri að veita því liðsinni. Valdi Nýbyggingarráð þá leið að rita flokksstjórnnum allra þingflokkanna fjögurra og fara fram á, að flokkarnir gæfu fyrirheit um stuðning við ríkisábyrgð fyrir $\frac{1}{2}$ millj. kr. láni til vatnsveitunnar. Brugðust allir flokkar vel við málaleitan ráðsins, og í júnílok lá fyrir samþykki þeirra allra. Var nú hafist handa um undirbúning verksins og pantaðar pípur og annað efni til veitunnar.

Málinu er því vel á veg komið fyrir ágætan atbeina Nýbyggingarráðs.

Tillaga þessi er flutt til að fá formlega staðfestingu á fyrirheitinu um ríkisábyrgð.